

國

語

第貳冊

卷貳至卷三



國語卷第十五

晉語

昭公

韋氏解

士景伯如楚

景伯晉理官士彌牟如楚聘也

叔魚爲贊理

叔魚羊舌鮒贊佐也

景伯如楚故叔魚攝其官也傳曰叔魚攝理

邢侯與雍子爭田

二子皆晉大夫邢侯

楚申公巫臣之子巫臣奔晉晉與之邢雍子故楚大夫奔晉晉與之鄰爭鄆田之疆界也

雍子納

其女於叔魚以求直

不直故納其女傳曰罪在雍子

及斷獄之日叔

魚抑邢侯

斷決也抑枉也

邢侯殺叔魚與雍子於朝韓宣子

患之叔向曰三姦同罪請殺其生者而戮其死者

陳尸

戮

宣子曰若何對曰鮒也鬻獄也

鬻賣

雍子賈之以其

子邢侯非其官也而干之

官司冠干犯也

夫以回鬻國之中

回邪也

與絕親以買直與非司寇而擅殺其罪一也

邢侯聞之逃遂施邢侯氏

施劾捕也

而尸叔魚與雍子於

市

死時在朝故尸於市在魯昭十四年

中行穆子帥師伐狄圍鼓

穆子晉卿中行偃之子荀吳中行伯也狄鮮虞也鼓

白狄別邑事在魯昭十五年

鼓人或請以城叛穆子不受軍吏曰

可無勞師而得城子何不爲穆子曰非事君之禮也

夫以城來者必將求利於我

利爾賞也

夫守而二心姦之

大者也賞善罰姦國之憲法也許而弗予失吾信也

若其予之賞大姦也姦而盈祿善將若何

盈滿也

且夫

狄之憾者以城來盈願

憾恨也

晉豈其無

豈無恨者

是我以

鼓教吾邊鄙貳也

貳二心也

夫事君者量力而進

進取不

能則退不以安賈貳

賈市也安謂不勞師而得鼓

令軍吏呼城傲

將攻之未傳而鼓降也傳著

中行伯既克以鼓子苑支來苑支鼓子鸞鞮也穆子既克鼓以鸞鞮歸既獻

而反之其後又叛魯昭二十二年荀吳襲鼓滅之以鸞鞮歸使涉佗守之令鼓人各復其

所非僚勿從也僚官鼓子之臣曰夙沙釐以其孥行釐將

妻子從軍吏執之辭曰我君是事非事土也名曰君

臣豈曰土臣今君實遷也遷徙臣何賴於鼓也賴利穆子

召之曰鼓有君矣君謂涉佗爾心事君吾定而祿爵也而女也定

安對曰臣委質於狄之鼓未委質於晉之鼓也質贊也土

贊以雉委贊而退臣聞之委質爲臣無有二心委質而策死

古之法也言委贊於君書名於册示必死也君有烈名臣無叛質烈明

也敢卽私利以煩司寇而亂舊法其若不虔何也卽就也虔

度也若就私利是謂叛君叛君有罪故煩司寇舊法册死之法若臣皆如是是將有不意度而至之患者

晉其如

之何也

穆子歎而謂其左右曰吾何德之務而有是

臣也

吾當修務何德而得若此之臣乎

乃使行既獻

既獻功也言於公

昭公之子去疾也使夙沙釐相之

與鼓子田於河陰

河陰晉河南之田使君而田也

具山在今山東蒙陰

縣東北十五里

敖山在今山東蒙陰

縣西北三十五里

以其鄉對言其鄉

之山也

范獻子聘於魯

獻子范宣子之子士鞅聘在魯昭二十一年

問具山敖山

魯人以其鄉對

言其鄉也

獻子曰不爲具敖乎對曰先

君獻武之諱也

獻伯禽之曾孫微公之子獻公具武獻公之庶子武公敖

獻子歸

徧戒其所知曰人不可以不學吾適魯而名其二諱

爲笑焉唯不學也

言學則必知諱不見笑也禮人

人之

有學也猶木之有枝葉也木有枝葉猶鹿廕人而況

內傳桓六年先君獻

武廢二山諱忌也公

羊傳閔元年春秋為

尊者諱為親者諱

為賢者諱

梗陽在今山西清源

君子之學乎

董叔將娶於范氏

董叔晉大夫范氏宣子之女

叔向曰范氏富盍

已乎

言富必驕驕必陵人已止也

曰欲為繫援焉

欲自繫綴以爲援助他日

董祁愬於范獻子

祁董叔之妻獻子之妹范姓祁名也

曰不吾敬也獻

子執而紡於庭之槐

紡懸也

叔向過之曰子盍為我請

乎叔向曰求繫既繫矣求援既援矣欲而得之又何

請焉

趙簡子曰魯孟獻子有鬪臣五人我無一何也

簡子晉卿

趙文子之孫景子之子趙鞅志父孟獻子魯大夫仲孫蔑鬪臣捍難之士

叔向曰子不欲

也若欲之盍也待交梓可也

此言欲勇則勇士至

梗陽人有獄將不勝

梗陽魏氏之邑獄訟也

請納賂於魏獻子

獻子將許之

獻子晉正卿魏戌之父魏舒也傳曰梗陽人有獄魏戌不能斷以獄上其大宗

昭謂大宗訟者之大宗也爲訟者納賂 閻沒謂叔

寬曰與子諫乎

閻沒閻明叔寬女齊之子叔褒皆晉大夫傳曰魏戌使二子諫吾主

以不賄聞於諸侯

主獻子不賄不貪財 今以梗陽之賄殃之不

可

殃猶病也

二人朝而不退

獻子將食問誰於庭曰閻明

叔褒在召之使佐食

佐猶勸也

比已食三歎既飽獻子問

焉曰人有言曰唯食可以忘憂吾子一食之間而三

歎何也同辭對曰吾小人也貪饋之始至懼其不足

故歎中食而自咎也曰豈主之食而有不足是以再

歎主之既已食願以小人之腹爲君子之心屬饜而

已是以三歎

屬適也饜飽也已止也適小飽足則自節止也

獻子曰善乃辭

梗陽人

善二子善論而不逆獻子能覺改也

下邑之役董安于多

下邑晉邑董安于趙簡子家臣多功也周禮曰戰功曰多魯

定十三年簡子殺邯鄲大夫趙午之子穰以邯鄲叛午苟寅之甥也苟寅范吉射之姻也二人作亂攻趙氏之宮簡子奔晉陽晉趙簡子賞之辭辭不固賞人圍之時安于力戰有功

之對曰方臣之少也進秉筆贊爲名命稱於前世立

義於諸侯

言見稱譽於前世諸侯以爲義

而主弗志

志識也

及臣之壯

也耆其股肱以從司馬

耆致也司馬掌兵

苟慝不產及臣之

長也端委鞶帶以隨宰人無二心

端立端也委委貌也鞶韋蔽膝

也帶大帶也宰人宰官也

今臣一旦爲狂疾而曰必賞女

言戰鬪爲凶事

猶人有狂易之疾相殺傷也

與余以狂疾賞也不如亡趨而出乃

釋之



趙簡子使尹鐸爲晉陽

尹鐸簡子家臣晉陽趙氏邑爲治也

請曰以爲

繭絲乎抑爲保鄣乎

繭絲賦稅保鄣蔽捍也小簡子城曰保禮記曰遇入保者

曰保鄣哉尹鐸損其戶數

優而稅少簡子誠襄子

襄子簡子之子無恤

曰晉國有難而無以尹鐸爲少無以晉陽

爲遠必以爲歸

所謂保鄣

趙簡子使尹鐸爲晉陽

曰必墮其壘培

墮壞也壘荀寅士吉射圍

趙氏所作壘壁也吾將往焉若見壘培是見寅與吉射也

壘培

曰尹鐸往而增之

增高其壘因以自備

簡子如晉陽見壘怒

既

墮又增之故怒曰必殺鐸也而後入大夫辭之

辭請不可

肯

曰是昭余讎也

昭明也明我郵無正進

無正晉大

夫郵良伯

曰昔先主文子少豐於難

文子簡子之祖趙武豐

猶離也難謂莊姬之讎

也

也

也

趙氏從姬氏於公宮姬氏莊姬趙朔之妻文子之母

見趙同趙括放之姬讒同括景公之女淫於趙嬰嬰之二

公殺之文子從莊姬於公宮有孝德以出在公族

大夫有恭德以升在位在卿位也有武德以羞為正卿

正卿上卿有溫德以成其名譽失趙氏之典刑典常也刑

法而去其師保在公宮故基於其身以克復其所基始

也始更修之於及景子長於公宮景子文子之子簡

身以能復其先其王母未及教訓而嗣立矣亦能纂修其身以受先

業無謗於國順德以學子學教也擇言以教子擇師保

以相子今吾子嗣位有文之典刑有景之教訓重之

以師保加以以父兄同宗之父兄也子皆疏之以及此難荀

難之夫尹鐸曰思樂而喜思難而懼人之道也委土可

以爲師保吾何爲不增言見壘培可以戒懼是以修

之庶曰可以鑑而鳩趙宗乎鑑鏡也若罰之是罰善

也罰善必賞惡臣何望矣簡子說曰微子吾幾不爲

人矣微無也以免難之賞賞尹鐸免難之賞軍賞也言

是爲免難初伯樂與尹鐸有怨伯樂無以其賞如伯樂氏

如之也曰子免吾死敢不歸祿祿所辭曰吾爲主圖非

爲子也怨若怨焉若如也怨自如故

鐵之戰趙簡子曰鄭人擊我吾伏馘崑血鼓音不衰

鐵衛地馘弓衣也晉中行寅范吉射以朝歌叛齊鄭

與之魯哀二年齊人輸范氏粟鄭罕達駟弘送之范

吉射逆之簡子禦之遇於戚遂戰於鐵鄭人擊簡子

中肩斃于車中伏馘上猶能擊鼓而汗血曰崑血

今日之事莫我若也衛莊公爲右莊公衛靈公太子

蒯賈圖殺少季不

成奔晉簡子許納曰吾九上九下擊人盡殪殪死也九上九

下車以救簡子今日之事莫我加也郵無正御無正王良御為簡子御

曰吾兩鞍將絕吾能止之徐行故不絕馬今日之事

我上之次也言次駕而乘材兩鞍皆絕乘轅也材橫木也

衛莊公將禱禱謂將戰時請福也曰曾孫蒯瞶以諄趙鞅之故

諄佐也敢昭告于皇祖文王昭明也皇大也文王康叔之父烈祖康叔

也烈顯也文祖襄公文言有文德也襄公蒯瞶之父昭考靈公昭明也

也靈公蒯瞶之父夷請無筋無骨夷傷也戰鬪不能無傷無筋無絕筋無骨無折骨

無面傷傷於面也無敗用用兵也無隕懼隕越也死不敢請言

敢請歸簡子曰志父寄也志父簡子後名春秋書趙鞅入晉陽以叛後得反國

故改為志父寄寄請也

趙簡子田于螻

螻晉君之圃

史黯聞之以犬待于門

史黯晉犬

夫史墨時爲簡子史犬田犬門君圃門

簡子見之曰何爲曰有所得犬

欲試之茲固

也茲此

簡子曰何爲不告對曰君行臣不

從不順

言君從法臣從君

主將適螻而麓不聞

麓主君苑固之宮傳曰山

林之木衡麓守之

臣敢煩當日

當日直日也言主將之君固不煩麓以告君臣亦不敢煩

主之直日

簡子乃還

少室周爲趙簡子之右

少室周簡子之臣右戎右聞牛談有力

牛談

簡子請與之戲

戲角力也弗勝致右焉

致右於談簡子許之使

少室周爲宰

宰家宰也

曰知賢而讓可以訓矣

趙簡子曰吾願得范中行之良臣

范吉射中行寅

史黯侍曰

將焉用之簡子曰良臣人之所願也又何問焉對曰

臣以爲不良故也夫事君者諫過而賞善

諫過匡救其惡賞善

將順其美

薦可而替否

薦進也替去也傳曰君所謂可而有否焉臣獻其否以成其可君所謂否而有可焉臣獻其可以去其否

獻能而進賢擇材而薦之朝夕誦

善敗而納之道之以文行之以順勤之以力致之以

死

死其難也

聽則進否則退今范中行氏之臣不能匡相

其君使至於難

難謂爲亂見逐伐君而敗事在魯定公哀公時

君出在外

歌叛魯哀五年又奔齊

又不能定而棄之則何良之爲若弗棄

則主焉得之夫二子之良將勤營其君復使立於外

死而後止何日以來

立於外有爵土於他國也

若來乃非良臣也

簡子曰善吾言實過矣

趙簡子問於壯馳茲

壯馳茲晉大夫蓋吳人也

曰東方之士孰爲

鼈龜屬長四五寸背褐

色腹白口尖甲圓邊緣柔

換成肉裙產於淡水

化謂蛇成鼈龜石首成鼈

鼈即鴨宗之類也

簡子晉卿趙文子之孫

子之子趙鞅志父也

蛤音鵪蜃音賢禮月

令壽入大水為蛤又雉入

大水為蜃蜃音蛤即今蛤

蜃也殼形正圓色黃褐輪

文高疊內白色亦名圓蛤

山海經註蜃一名蚌一名

愈愈賢壯也壯馳茲拜曰敢賀簡子曰未應吾問何賀對

曰臣聞之國家之將興也君子自以為不足其亡也

若有餘今主任晉國之政而問及小人又求賢人吾

是以賀

趙簡子歎曰雀入于海為蛤雉入于淮為蜃小曰蛤大曰蜃

皆介物蚌類鼈龜魚鼈莫不能化化謂蛇成鼈龜唯人不能

能哀夫寶擊侍大夫也曰臣聞之君子哀無人人賢

不哀無賄哀無德不哀無寵哀名之不令不哀年之

不登登高也夫范中行氏不恤庶難欲擅晉國令其子

孫將耕於齊宗廟之犧為畎畝之勤純色為犧論二子皆名族之後

當為祭主在於宗廟今反放逐畎畝之中亦是人之化也人之化也何日之有

元龜音元 龜音院

龜音音龜

龜狀似鼈而大頭有磊塊

故俗稱之曰癩頭元龜青色

青黃居於江湖

龜與鯉魚相近長二丈餘

四足背尾鱗甲俱似鯉魚

惟後足祇具半蹠生於江

湖也

趙襄子使新稚穆子伐狄襄子晉正卿簡子之子無郵穆子晉大夫新稚穆子

春秋後勝左人中人左人中人遽人來告遽傳襄子

將食尋飯有恐色侍者曰狗之事大矣大謂勝二邑也而主

之色不治何也怡悅也襄子曰吾聞之德不純純壹而

福祿並至謂之幸夫幸非福德不能服必致非德不

當雍當猶任也雍蘇也言唯有雍不為幸能蘇樂則不為幸

吾是以懼

智宣子將以瑤為後智宣子晉卿荀躒之子甲智果也瑤宣子之子襄子智伯智果

曰不如宵也智果晉大夫智氏之庶子也宣子曰宵也很很

很很不從人也對曰宵之很在面瑤之很在心心很敗國面

很不仁美鬢不害瑤之賢於人者五其不逮者一也



長大則賢

鬢髮穎也

射御足力則賢。伎藝畢給則賢。

給足也

巧文辯惠則賢。

巧文巧於文辭

彊毅果敢則賢。如是而甚不

仁。以其五賢陵人。而以不仁行之。其誰能待之。

待猶假也

若果立瑤也。智宗必滅。弗聽。智果別族于太史為輔

氏。

太史掌氏姓

及智氏之亡也。唯輔果在。

善其知人

智襄子為室美。

襄子智伯瑤也。美麗好也。

士茁夕焉。

士茁智伯家臣。夕夕往也。

智伯曰。室美夫。對曰。美則美矣。抑臣亦有懼也。智伯

曰。何懼。對曰。臣以秉筆事君。志有之曰。高山峻原。不

生草木。

志記也。峻峭也。原陸也。言其高峻不安。故不生草木。

松柏之地。其土不

肥。

言上茂盛。冬夏有蔭。故土不肥。

今土木勝。臣懼其不安人也。

言不兩興

室成三年。而智氏亡。

三年智伯與韓魏伐趙襄子。圍晉陽而灌之。城不浸者三板。智

伯行水。魏桓子御。韓康子驂乘。智伯曰：吾始知水可以亡人國也。汾水可以灌安邑、安邑、魏也。絳水可以灌平陽、平陽、韓也。桓子肘康子，康子履桓子之跗。趙襄子夜使張孟私於韓、魏，韓、魏與之合，遂滅智伯而分其地。在春秋後。

還自衛，三卿宴于藍臺。

智襄子伐鄭，自衛還也。三卿，智襄子、韓康子、魏桓子、藍臺。

地智襄子戲韓康子而侮段規。

康子，韓宣子之曾孫。莊子之子虎，段規，魏

桓子智伯國聞之，諫。

伯國，晉大夫智氏之族。曰：主不備，難必至。

矣。曰：難將由我，我不爲難，誰敢興之？對曰：異於是。

所言

間與夫卻氏有車轅之難。

卻犍與長魚矯爭田，執而梏之，與其父母妻子同一

轅。既矯變於厲公而滅三卻，在魯成十七年。

趙有孟姬之讒。

趙同，括也。孟姬，趙文子

之母。莊姬也。莊姬通於趙嬰，嬰兄同，括放之。孟姬慙，怨讒之於景公。景公殺之，在魯成八年。欒有

叔祁之愬。

欒盈，叔祁范宣子之女。盈之母與老州賓通，盈患之。祁愬之於宣子，遂滅欒氏。

范中行有亟治之難

亟治范臯夷之邑臯夷無寵於范吉射而欲爲亂於范氏申行

寅與范氏和睦故臯夷謀逐二子卒滅之在魯定十三年

皆主之所知也夏書有

之曰一人三失

三失三失人也

怨豈在明

明者

不見是圖

不見

未形也

周書有之曰怨不在大

或大而

亦不在小

禍難起

於小

夫君子能勤小物故無大患

物事

今主一宴而

恥人之君相

君康子相段規

又弗備曰不敢興難無乃不可

乎夫誰不可喜而誰不可懼螻蟻蜂蠆皆能害人況

君相乎弗聽自是五年乃有晉陽之難

自藍臺後五年也

段

規反首難而殺智伯于師

言段規首爲策作難反智伯者也

遂滅智

氏

晉陽之圍

智襄子圍趙襄子於晉陽也魯悼四年智瑤伐鄭恥趙襄子襄子怨之智瑤驕泰請

地於趙趙弗與韓魏攻趙襄子張談曰先主爲

重器也爲國家之難也張談趙襄子之宰孟談盍姑

無愛寶於諸侯乎欲令行賂以求助也襄子曰吾無使也張談

曰地也可地襄子之臣襄子曰吾不幸有疾不夷於先子

夷平也疾病也言已不德而賄言無德而以賄求助也夫地也

求飲吾欲言地求飲食我以情欲無忠諫是養吾疾而干吾祿也養

也干求也吾不與皆斃皆俱也襄子出曰吾何走乎從者

曰長子近且城厚完長子晉別縣也襄子曰民罷力以完之

又斃死以守之其誰與我斃踏也誰與我從者曰邯

鄲之倉庫實邯鄲晉別縣也襄子曰浚民之膏澤以實之浚

也讀若醮又因而殺之其誰與我其晉陽乎先主之所屬

應姬姓武王子所封

今河南魯山縣東應

城是也

鄧曼姓今湖北襄

陽縣東北鄧城是也

陳媯姓今河南淮

也先主簡子也謂無以尹鐸尹鐸之所寬也民必和

矣乃走晉陽晉師圍而灌之晉師三卿之師灌沈窳

產窳民無叛意沈窳懸釜而炊也產窳

窳生於窳也窳蝦蟆也

國語卷第十五

唐祁姓今湖北隨縣

西北唐城鎮是也

史伯宣王之太史名頴字碩父

成周維邑在今河南

洛陽縣西北

申呂姜姓也今河南

南陽縣北二十里有

中城又縣西三十里

有呂城或曰即古申

國語卷第十六

鄭語

韋氏解

桓公為司徒

桓公鄭始封之君周厲王之少子宣王之弟桓公友也宣王封之於鄭幽王八年為司徒甚得周眾與東土之人

東土周眾西周之民問於史

伯曰王室多故

史伯周太史故猶難也

余懼及焉其何所可以

逃死史伯對曰王室將卑戎狄必昌不可偪也

昌盛也偪

迫也當成周者

成周維邑

南有荆蠻申呂應鄧陳蔡隨唐

荊蠻熊之後申呂姜姓也應蔡隨唐皆姬姓也應武王子所封鄧曼姓陳媯姓也北有衛

燕狄鮮虞潞洛泉徐蒲

衛康叔之封燕邵公之封皆姬姓也狄北狄也鮮虞姬姓

在狄者也潞洛泉徐蒲皆赤狄陳姓也

西有虞虢晉隗霍楊魏芮

也虞虞仲之後虢魏叔之後西虢也

東有齊魯曹宋滕薛鄒莒

齊姜姓魯曹滕

呂國也

衛姬姓武王同母少弟康

叔封之後也武王封康叔

於衛今河南淇縣東北朝

歌城是也

燕南燕姑姓今河南汲

縣東胙城是也或曰燕

北燕姬姓召公奭之後

狄北狄今山西大同縣等

是也

鮮虞姬姓在狄者也今河

北正定縣西北有鮮虞

皆姬姓宋子姁薛任姓鄒曹姓莒已姓東夷之國也

也則皆蠻荆戎狄之人也王支子母弟姬姓是也舅甥異姓是也蠻荆楚也戎

狄北狄潞洛泉徐非規則頑不可入也親謂支子甥舅也頑謂蠻

夷戎其濟洛河潁之間乎言此四水之間可逃謂左濟右洛前潁後河

其子男之國虢郟為大是是四水也虢東虢也虢仲之後姬姓也郟姁姓也當幽

王時於子男此二國為大虢叔恃勢此虢叔虢仲之後郟仲恃險此虢叔虢仲之後

也皆恃之而不修德是皆有驕侈怠慢之心而加

之以貪冒君若以周難之故寄孥與賄焉不敢不許

賄財也妻子曰孥周亂而弊是驕而貪必將背君君若以成

周之眾奉辭伐罪無不克矣桓公甚得周眾奉直若

克二邑二邑虢郟鄔弊補舟依蹂厯華君之土也言克虢郟此八

洛即伊洛戎今河南故洛城西南有戎城

泉即泉臯之戎今洛陽縣西南有前城即泉戎地

徐蒲即徐吾氏茅戎別

程今河南陝縣是也

唐虞仲之後今山西平陸

縣東北有虞城是也

號號叔之後而號也今陝

西寶雞縣東桃號城其

國都也後隨平王東遷

史封於上陽

邑皆可得也若前華後河右洛左濟華華國也主芣驪而食溱

洧芣驪山名主為之神主孔子曰夫顓與為東蒙主食謂居其土食其水修典刑以守

之是可以少固其後卒如史伯之言公曰南方不可乎南方當成周之

南申鄧對曰夫荆子熊嚴生子四人伯霜仲雪叔熊

季紉荆楚也熊嚴楚子鬻熊之後十世也伯霜楚子熊霜季紉楚子熊紉也仲不立叔在濮叔

熊逃難於濮而蠻季紉是立遠氏將起之禍又不克

濮蠻邑遠氏楚大夫先熊霜之世叔熊逃難奔濮而從蠻俗熊霜死國人立季紉遠氏將起叔熊而立之

又有禍難是天啟之心也啟開也天開季紉故叔而熊不立熊不得立有心字誤

甚聰明和協蓋其先王言季紉又聰明能和協其民臣之心功德蓋其先王也

臣聞之天之所啟十世不替替廢也夫其子孫必光啟

王不可偏也光大也且重黎之後也重黎官名楚語曰顓頊乃命南正重

紉音司

遠音為

百濮今湖

南辰沅道

境



晉周武王少子唐封虞之  
後也成王封虞叔於唐始  
都於翼今山西翼城縣

是也

隗未詳或曰隗隨字形

字形似之誤即今湖北隨縣

或曰隗公羊傳楚人滅隗

內傳作夔今湖北梯歸縣

東夔于城是也

霍今山西霍縣西有古霍

城

楊城

即今山西洪洞縣東南

司天北正黎司地言夫黎為高辛氏火正高辛帝嚳

楚之先為此二官後也顓頊生老童老童產重黎及吳回吳回產陸終

陸終生六子其季曰連為芊姓楚之先祖也季連之

後曰鬻熊事周文王其曾孫熊繹當成王時封為楚子黎當高辛氏為火正以涓燿敦大

天明地德光照四海故命之曰祝融其功大矣涓燿

明也敦厚也言黎為火正能理其職以大明厚大天明地德故命之為祝融祝始也融明也大明天明若

時也光照四海使上下有章也夫成天地之火功

者其子孫未嘗不章也章顯虞夏商周是也是成天地

虞幕能聽協風以成樂物生者也虞幕舜後虞思也

和風因時順氣以成育萬物使之樂生周語曰警告有協風至乃耕籍之類是也夏禹能單

平水土以品處庶類者也單盡也庶眾也品高下之

下各得其所商契能和合五教以保于百姓者也保養也

五教交

尚今陝西大荔縣南是也

齊姜姓太公望之後

封於營邱今山東臨

淄縣是也

魯姬姓周文王第四

子周文旦所封也都於

曲阜今山東曲阜縣

是也

曹姬姓武王同母弟

叔振鐸所封也武王克

商封叔振鐸於曹今

山東定陶縣是也

義母慈兄弟恭子孝魯語曰契為司徒而民輯周棄能播殖百穀蔬以衣

食民人者也

棄后稷也播布也殖長也百穀黍稷稻粱麻麥荏菽離胡之屬蔬草菜之屬可

食其後皆為王公侯伯禹身王稷棄在子孫公侯伯謂其後祀宋及幕後陳侯也

祝融亦能昭顯天地之光明以生柔嘉材者也柔潤也嘉

善也善材五穀材木其後八姓於周未有侯伯八姓祝融之後

姁曹斟辛也侯伯諸侯之伯佐制物於前代者佐助也物事也昆

吾為夏伯矣昆吾祝融之孫陸終第一子名樊為已姓封於昆吾昆吾衛是也其後夏衰昆

吾為夏伯遷於舊許傳曰楚之皇祖伯父昆吾舊許是宅大彭豕韋為商伯矣大彭

陸終第三子曰篋為彭姓封於大彭謂之彭祖彭城是也豕韋彭姓之別封於豕韋者也殷衰二國相繼

為商當周未有未有已姓昆吾蘇顧温董五國皆昆

封者莒董姓馮夷參龍則夏滅之矣重姓已姓之別受氏為國者也

宋子姓出自高王帝

乙之長庶子啓食采

於微謂之微子周武王

誅紂立其子武庚武庚

以三監畔成王誅之乃更

封微子於宋今河南商

邱縣是也

滕姬姓周文王子叔

肅封今山東滕縣

是也

薛任姓黃帝之後美

仲封於薛今山東滕

有颺叔安之裔子曰董父以擾龍服事帝舜賜姓曰

董氏曰秦龍封之醴川當夏之興別封醴夷於孔甲

前而滅矣傳曰孔甲不能食龍而未獲豢彭姓彭祖

龍氏劉累學擾龍於秦龍氏以事孔甲彭姓彭祖

豕韋諸稽則商滅之矣彭祖大彭也豕韋諸稽其後

復興而滅之禿姓舟人則周滅之矣禿姓彭祖之

姓鄔鄔路偃陽今新鄭也鄔路偃陽其後別封於鄔

曹姓鄒莒陸終第五子曰安皆為采衛皆去曹也采

二千五百里衛衛或在王室或在夷狄莫之數也或

服去王城三千里或在王室或在夷狄莫之數也或

姓之後在王室蘇子温而又無令聞必不興矣斟姓

子也在夷狄莒偃陽也或在王室或在夷狄莫之數也

無後斟姓曹姓之別或云夏少康滅之非也傳有斟

融之興者其在芊姓乎芊姓蕞越不足命也蕞越芊

國楚熊繹六世孫曰熊摯有惡疾楚人廢之立其

弟熊延摯自棄於蕞其子孫有功王命為蕞子

陸終第五子晏安之

後武王克商封其

苗裔曹挾於邾為

附庸今山東鄒縣

東南有古邾城

莒嬴姓出自少昊

之後武王封茲與

於莒今山東莒縣

是也

濟水出河南濟源

縣西王屋山東南流

芊蠻矣蠻芊謂叔熊在濮從蠻俗唯荆實有昭德若周衰其必興

矣昭明也姜嬴荆芊實與諸姬代相干也姜齊姓嬴秦姓芊楚姓代

更也干犯也言其代疆更相犯問姜伯夷之後也伯夷堯秩宗炎帝之後四岳之族

嬴伯翳之後也伯翳舜虞官少皞之後伯益也伯夷能禮於神以佐

堯者也秩宗之官於周為宗伯漢為太宰掌國祭祀書曰典朕三禮謂天神人鬼地祇之禮伯

翳能議百物以佐舜者也百物草木鳥獸其後皆不

失祀而未有興者興謂為周衰其將至矣至於公曰

謝西之九州何如謝宣王之舅申伯之國今在南陽謝西有九州二千五百家曰州何

如問可對曰其民吝貪而忍不可因也吝不義忍就居否

唯謝邾之間間謂邾南謝北號鄆在焉邾後屬鄭鄭衰楚取之魯昭元年傳曰葬王于

邾謂之邾其冢君侈驕也家大其民怠沓其君而未及

邾今河

南邾縣

周畿內

為豬龍河入河

洛水源出陝西雒南

縣之秦嶺東流經

河南陝縣至汜水縣

入河

河源出青海巴顏喇

山經甘肅陝西山西河

南河北山東入於海

潁源出河南登封縣

東南流經開封許昌

淮陽合大沙河又東

周德怠慢也忠信為周言民慢若更君而周訓之是

易取也導更更以君道且可長用也長用久公曰周其

弊乎弊敗也對曰殆於必弊者也殆近也秦誓曰民之所

欲天必從之秦誓周書言民惡幽王猶今王棄高明

昭顯而好讒慝暗昧王幽王高明昭顯謂明德之臣

惡角犀豐盈而近頑童窮固角犀謂頂角有伏犀豐

之相頑童童昏固陋也謂去和而取同濟同謂同欲

皆昧暗窮陋不識德義君子同夫和實生物同則不繼陰陽和而萬以他平

而不同他謂之和謂陰陽相生故能豐長而物歸之土氣和

之國家和若以同裨同盡乃棄矣裨益也同者謂若

而民附之棄之無故先王以土與金木水火雜以成百物雜合

所成也

統姬姓統仲之後是為東  
訖也今河南汜水縣是也

部同槍妊姓也今河南密

縣東有古部城嘗幽王時

於子男比二國為大也

烏今河南偃師縣西南有

鄆聚內傳隱十一年王取

鄆劉為刊之田于鄆

縣音柔路史國名紀殷侯

伯國

華今河南新鄭縣東南

有華城古華伯國也

百物謂若鑄是也以和五味以調口剛四支以衛體

也治煎烹之屬聽和正七體以役心七竅也謂曰

為心視耳為心聽口平八索以成人體以應八卦謂曰

乾為首坤為腹震為足巽為股建九紀以立純德

也純純一不駁也九紀九藏也正藏五又有胃勝

動賈唐云九合十數以訓百體此所謂近取諸身遠

自王以下位有十等王臣公臣大夫大夫臣士士

臣皂皂臣與與臣隸隸臣僚僚臣僕僕臣臺百體百

官各有體屬也合此十數出千品具萬方百官百

王位謂之千品五物之官陪計億事材兆物收經入

行姦極計算也材裁也賈虞說皆以萬萬為億鄭後

也姦備也數極於姦也萬萬兆曰姦自十等至千品

姦音該

若音浮 魏音歸

茅魏二山名魏一作院即

大魏山今名具茨山在河

南新鄭縣西南山海經大

魏之山其陰多鐵多美璽

溱洧二水名溱水在新鄭縣

北源出密縣東北流至新鄭

縣界與洧水合

洧水在新鄭縣南源出登封

縣陽城山經密縣而東流入

新鄭縣境會溱水為雙洧

河又東經長葛至西華縣

八顧

數

故王者居九畷之田收經入以食兆民

九畷九州之極數楚

畷音該

語曰天子之田九畷以食兆民王取經入焉以食萬官

周訓而能用之和樂如

一忠信為周訓教也言以忠信教導之其民和樂如一室

夫如是和之至也

於是乎先王聘后於異姓同則不繼求財於有方使其各

方期來方之所無則不貢擇臣取諫工而講以多物務和同也工

也講猶校也多眾也物事也聲一無聽五聲雜然後可聽物一無文五色雜然後可聽

後成味一無果五味合然後可食果美物一不講講論主將棄

是類也而與朝同類謂和也天奪之明欲無弊得乎夫號

石父讒諂巧從之人也而立以為卿士與朝同也石父

號君之名巧從棄聘后而立內妾好窮固也聘后申后內妾褒姒

侏儒戚施實御在側近頑童也侏儒戚施皆優笑之人御侍也周法

語夫顓臾昔者先王以為東

蒙主注東蒙山名先王封

顓臾於此山之下使主其

祭也食黍有謂君其土食

其水也

樊已封於昆吾始都

於許今河南許昌縣

是也其後夏衰昆吾

有夏伯遷於衛今河

北開縣是也

彭城今江蘇銅山縣

水韋今河南滑縣東

不昭而婦言是行用讒慝也不建立卿士而妖試幸

措行暗昧也試用也措置也不建立有德以為卿士

側是物也不可以久且宣王之時有童謠宣王幽王曰

檠弧箕服實亡周國山桑曰檠弧弓也於是宣王聞

之有夫婦鬻是器者鬻賣王使執而戮之戮之於路府之

小妾生女而非王子也懼而棄之府王內此人也收

以奔喪此人賣孤服天之命此久矣其又何可為乎

也為治訓語有之訓語曰夏之衰也喪人之神化為二

龍以同于王庭喪人喪君而言曰余喪之二君也二

君夏后卜殺之與去之與止之莫告也止留卜請其殛

而藏之吉殛龍所吐沫乃布幣焉而策告之布陳也

龍之精也幣主帛

殛音豎



南有廢章城

温城在河南温縣

顧城在山東范縣

駿音愛秦音惠

偃陽今山東嶧縣南

有偃陽城

陸終第二子曰惠連對

姓是為參胡參胡無

後

單音弭

首段同變

也陳其玉帛以簡策龍亡而殽在積而藏之積櫃也傳

郊之傳祭及殷周莫之發也及厲王之末發而觀之

未未年流殽流于庭不可除也言流於庭前謂取而發也王使婦

人不鞞而諫之裳正幅曰鞞諫謹呼化為立龍以入于王府龍或

為蛇蛇蚺蜚府之童妾未既亂而遭之既盡也遭遇也毀齒曰亂未盡

七歲而毀齒女既笄而孕孕任身也女當宣王時而

生厲王在位十四年死十五年宣王當宣王時而

也立立四十六年幽王在位十一年而滅不夫而育

號也而取之以逸逃于褒逃亡褒人褒姒有獄而以

為入於王褒姒王遂置之置赦而嬖是女也使至於

為后而生伯服以邪辟取愛曰嬖天之生此久矣其

積音獨

亂音觀

姒音吁

腊音昔久熟曰酉

腊乾肉也易曰噬腊肉

也毒盖肉之久熟者

有毒也

申國於謝今河南南

陽縣有申城

繒一作鄆今山東峯

縣東八十里有鄆城

呂今河南南陽縣有

多城

為毒也大矣將使候淫德而加之焉加遺以毒之首

腊者其殺也滋速精熟為首腊極也滋益也申繒西戎方彊申姜姓幽

王前后太子宜曰之舅也繒姒姓申之與國也西戎亦黨於申周衰故戎狄彊王室方騷騷擾

也將以縱欲不亦難乎王欲殺太子以成伯服必求

之申太子將奔申申人弗畀必伐之畀予也若伐申而繒與

西戎會以伐周周不守矣言幽王無道無以共守繒與西戎方

將德申申修德於二國二國亦欲助正微其後福申呂方彊呂申同姓其隩愛

太子亦必可知也隩隱也王師若在在於申其救之亦必

然矣王心怒矣虢公從矣言石父亦從王而怒凡周存亡不三

稔矣稔年也君若欲避其難其速規所矣時至而求用

恐無及也時難也公曰若周衰諸姬其孰興對曰臣

稔音荏年也穀一熟

為一年內傳襄二十

七年不及五稔

韓有二一為姬姓之韓

內傳襄二十九年叔

侯曰霍楊韓魏皆

姬姓也韓後為晉所

滅以賜大夫韓萬今

陝西韓城縣南有古

韓城

又一為武穆之韓內

聞之武實昭文之功

文武王文王文王

文之祚盡武其嗣乎

王文

子孫魯衛是也祚盡謂衰也嗣繼也武王子孫當繼之而興

武王之子應韓不在

三君云不在時已亡也昭謂若已亡無宜說也近宣王時命韓侯為侯伯其後為晉所滅以為邑以賜桓

叔之子萬是為韓萬則其亡非平王時也應則在馬

上史伯云南有應鄧是也不在言不在應韓當在晉

其在晉乎距險而隣於小

若加之以德可以大啟

國已險固若增之以德可以大開土宅後魯閔元年晉滅

魏霍僖五年滅虞虢也

公曰姜嬴其孰興對曰夫國大而有德

者近興秦仲齊侯姜嬴之雋也且大其將興乎

秦仲嬴姓

附庸秦公伯之子為宣王大夫詩序云秦仲始大齊侯齊莊公姜姓之有德者也此二人為姜嬴之雋且

國大故

公說乃東寄帑與賄虢鄆受之十邑皆有寄

地

十邑謂虢鄆蔽補舟依柔歷華也後桓公之子武公意取十邑之地而居之今河南新鄭是也賈

縣東南有方城舊城

考古韓國地後入於

燕燕至春秋始大

幽王時韓未亡也

侍中云寄地寄止

幽王八年而桓公為司徒即位八年九年而王室始騷騷謂

適庶交爭十一年而斃幽王伐申申繒召西戎以伐

亂虐滋甚及平王之末而秦晉齊楚代興代更也平王即秦

景襄於是乎取周土景當為莊公秦仲之子襄公

周陽之土及平王東遷襄公佐之故得西周鄴鎬之

地始命為諸侯三君皆云秦景公宣王季年伐西戎

破之遂有其地昭謂幽王為西戎所殺故史伯云申

繒西戎方疆至平王時秦襄公征伐之故詩敘云襄

公備其兵甲以討西戎而征伐不休是也

又景公乃襄公十世之孫而云宣王時破之遂取其地誤晉文侯於是乎定天子文侯仇也定謂迎齊莊

僖於是乎小伯莊齊太公後十二世莊公購僖公莊

楚蚩冒於是乎始啟濮蚩冒楚季紉之孫若敖之子

河北陸文

也處

國語卷第十六

國語卷第十七

楚語上

韋氏解

莊王使士亶傅太子箴

莊王楚成王之孫穆王之子也。士亶楚大夫。審恭工名。

也。辭曰：臣不才無能益焉。王曰：賴子之善，善之也。特賴

也。對曰：夫善在太子，太子欲善，善人將至；若不欲善

善，則不用，故堯有丹朱。

朱堯子，封於丹。舜有商均，均舜子，封於商。啓

有五觀。

啓禹子，五觀啓子，太康昆弟也。觀洛汭之地，書序曰：大康失國，昆弟五人，須于洛汭。傳曰：

夏有湯有太甲。

太甲湯孫，太丁之子，不遵湯法。伊尹不能正放之於桐。文王有

管蔡。

管蔡文王之兄，子周公之兄。是五王者，皆有元德也，而有姦子。

夫豈不欲其善不能故也？若民煩，可教訓也。煩亂蠻夷

戎狄，其不賓也久矣。

賓服也。中國所不能用也。王卒使

傅之問於申叔時

叔時楚賢大夫申公

叔時曰教之春秋而為

之聳善而抑惡焉以戒勸其心

以天時紀人事謂之春秋聳弊也抑貶也

教之世而為之昭明德而廢幽昏焉

世謂先王之世繫也昭顯也幽

闇也昏亂也為之陳有明德者世顯而闇亂者世廢也

以休懼其動

休嘉也動行也使之

嘉顯而懼廢也

教之詩而為之導廣顯德以耀明其志

導開也顯

德謂若成湯文武周邵偕公之屬諸詩所美者也

教之禮使知上下之則教

之樂以疏其穢而鎮其浮

疏滌也樂者所以移風易俗蕩滌人之邪穢也鎮重

也浮也教之令使訪物官

令謂先王之官法時令也訪議也物事也使議知百官之

業教之語使明其德而知先王之務用明德於民也

語治國之善語

教之故志使知廢興者而戒懼焉

故志謂所記前世成

敗之書

教之訓典使知族類行比義焉

訓典五帝之書族類謂若惇序

九族比義義之與比也

若是而不從動而不悛

悛改也

則文詠物

以行之

文文辭也詠風也謂以文辭風託事物以動行也

求賢良以翼之

翼輔也

也悛而不攝則身勤之

攝固也勤勤身以勗勉也

多訓典刑以納

之

刑法也

務慎惇篤以固之攝而不徹

徹通也

則明施舍

以導之忠

施已所欲原心舍過謂之忠恕

明久長以導之信

有信然後可以

長明度量以導之義

義宜也言度量所宜

明等級以導之禮

等級

貴賤之品明恭儉以導之孝

恭儉所

明敬戒以導之事

敬戒

於事則

明慈愛以導之仁明昭利以導之文

昭明也昭利言

無敗功及物明除害以導之武

除害去暴亂也

明精意以導之罰

盡明

精意斷之

明正德以導之賞

正德謂不私於所愛明齊肅以耀之

臨明也臨臨事也

若是而不濟不可為也

濟成也為為師



傳也且夫誦詩以輔相之威儀以先後之體貌以左右

之明行以宣翼之也宣徧制節義以動行之恭敬以臨

監之勤勉以勸之孝順以納之忠信以發之德音以

揚之教備而不從者非人也其可興乎興猶成也夫子踐

位則退夫子太子也退謙退也自退則敬自退則見敬否則赦赦懼

自退則常憂懼

恭王有疾恭王太子審也疾在魯襄十三年召大夫曰不穀不德失

先君之業業伯業也覆楚國之師不穀之罪也覆敗也謂

為晉所敗若得保其首領以歿保首領免刑誅也唯是春秋所以

從先君者請為靈若厲亂而不損曰靈殺戮不幸曰厲言春秋禘祫當以立諡序

昭穆從先君於廟堂也大夫許諾王卒及葬子囊議諡子囊諡王弟令

尹公子 貞也 大夫曰王有命矣子囊曰不可夫事君者先

其善不從其過先其善先舉君之善事赫赫楚國而

君臨之赫赫顯盛也撫征南海訓及諸夏其寵大矣撫安也

正也南海羣蠻也訓教也寵榮也有是寵也而知其

過可不謂恭乎能改曰恭若先君善先其善事則請為恭

大夫從之

屈到嗜芟屈到楚卿屈蕩之子子久芟芟也有疾召其宗老而屬之

家臣曰宗老謂宗人也曰祭我必以芟及祥祥祭也宗老將薦芟

屈建命去之建屈到之子子木也老曰夫子屬之夫子屈到也子木

曰不然夫子承楚國之政承奉也其法刑在民心而藏

在王府上之可以比先王下之可以訓後世雖微楚

芟音妓。凌也。西陽雜俎。今人但言凌芟。諸解草木書亦未分別。唯王安石武陵記云。四角三角曰芟。兩角

國諸侯莫不譽微無也雖使無楚國之稱其祭典有

之曰國君有牛享諸侯猶皆譽之以為善大夫有羊饋羊饋少士有

豚犬之奠士以庶人有魚炙之薦庶人祀以魚籩豆脯醢

則上下共之共之以多不羞珍異不陳庶侈羞進也庶衆也

侈猶多也夫子不以其私欲干國之典遂不用干犯

椒舉娶於申公子牟椒舉楚大夫伍參之子伍奢之子

也子牟有罪而亡亡奔康王以為椒舉遣之康王之子

昭也椒舉奔鄭將遂奔晉鄭小而近蔡聲子將如晉

蔡聲子蔡公孫歸生子家也唐云楚滅蔡蔡聲子為

楚大夫昭謂蔡時尙存聲子通使於晉楚耳在魯襄

二十六年遇之於鄭饗之以璧侑饗食也璧侑曰子尚良

食尙猶強也二先子其皆相子相助也二先子謂椒

良善也

二先子其皆相子

相助也二先子謂椒

父子朝也傳曰楚伍參與蔡太師子朝友其子伍舉與聲子相善也尚能事晉君以爲

諸侯主主盟也辭曰非所願也若得歸骨於楚死且不

朽自謂不朽聲子曰子尚良食吾歸子使子得歸也椒舉降三

拜拜善也納其乘馬聲子受之四馬曰乘受而還見令

尹子木子木屈建也傳曰聲子通使於晉還如楚也子木與之語曰子雖

兄弟於晉然蔡吾甥也蔡晉同姓謂吾舅者吾謂之甥也二國孰賢

對曰晉卿不若楚順說之辭言時趙武爲晉正卿不及子木之忠然而有德其大

夫則賢賢於楚大夫其大夫皆卿材也若杞梓皮革馬楚

實遺之杞梓良材也皮革犀兕也雖楚有材不能用也子木曰彼

有公族甥舅若之何其遺之材也對曰昔令尹子元

之難子元楚武王子文王弟王子善也欲盡文夫人遂處王宮闕班殺之在魯莊二十八年及三十

年或譜王孫啓於成王啓子元子也或譜啓與父同罪王弗

是也是理王孫啓奔晉晉人用之及城濮之役晉將遁

矣晉楚戰於城濮在魯僖二十八年遁逃退也王孫啓豫於軍事謂先軫

先軫晉中軍帥曰是師也唯子玉欲之子玉楚令尹得臣也與王心違

請王怒少與之師故唯東宮與西廣寔來東宮西廣楚軍營名

諸侯之從者叛者半矣叛含子玉若敖氏離矣若敖氏子玉同族離

謂不欲戰也楚師必敗何故去之先軫從之大敗楚師則

王孫啓之爲也昔莊王方弱方弱未二十申公子儀父爲

師儀父申公闞班之子大司馬闞克也王子變爲傅變楚公子使師崇子孔

帥師以伐舒師崇楚大師潘崇也子孔變及儀父施

二師而分其室施罪於二師二師子師還至則以王

孔潘崇也室家資也

如廬戢黎

師子孔潘崇之師二子懼故以王如廬廬楚邑也傳曰初闕克囚于秦秦有殺之敗

而使歸求成成而不得志公子變求令尹廬戢黎殺

二子而復王

戢黎廬大夫也或譖析公臣於王析公臣楚

大夫或譖之言王弗是析公奔晉晉人用之寔讒敗

楚使不規東夏則析公之為也

規猶有也東夏沈蔡也傳曰繞角之役晉

將遁矣析公曰楚師輕窵易震蕩也若多鼓鈞聲以

夜軍之楚師必遁晉人從之楚師宵潰晉人遂侵蔡

襲沈獲其君鄭於是不敢南面楚昔雍子之父兄譖

雍子於恭王雍子楚大夫父兄王弗是雍子奔晉晉人

用之及鄆之役晉將遁矣鄆鄆陵役在魯成十六年雍子與於軍

事謂欒書曰楚師可料也欒書晉正卿料數也在中軍王族而

已唐云族親族同姓也昭謂族部屬也傳曰欒范以其族夾公行時二子將中軍中軍非二子之親也

若易中下楚必歆之

中下中軍之下也歆猶食也易

傳曰欒范易行以誘之鄭司農以為易行中若合而

函吾中

也中中軍也函入吾上下必敗其左右晉上下

楚之左則三萃以攻其王族必大敗之

萃集也時晉

右軍也及新軍乃三集以攻也欒書從之大敗楚師王親面

傷則雍子之為也

謂呂錡射其目

昔陳公子夏為

御叔娶於鄭穆公

為御叔娶鄭穆公之子御叔之父也

夏姬

生子南子南之母亂陳而亡之

字御叔早死陳

靈公與孔甯儀行父淫夏姬微舒弒

使子南戮於諸

靈公楚莊王以諸侯討之而滅陳

侯言為諸侯所戮莊王既以夏氏之室賜申公巫臣

則又昇之子反卒於襄老

昇與也巫臣楚申公屈巫

也襄老楚連尹也初莊王欲納夏姬巫臣諫曰不可  
君召諸侯以討罪也今納夏姬貪其色也貪色為淫  
淫為大罰王乃止將以賜巫臣則又與襄老死於邲  
子反子反欲取巫臣又難之卒與襄老

二子爭之未有成晉楚戰於邲在魯宣十二年晉智  
莊子射襄老獲之以其尸歸二子

子反巫臣也爭爭夏姬成猶定也恭王使巫臣聘於齊以夏姬行巫

導夏姬使歸託以求襄老之尸恭王遣馬巫臣聘諸鄭伯鄭伯許之及使適齊至鄭遂以夏姬行焉遂

奔晉晉人用之寔通吳晉使其子狐庸為行人於吳

子反殺巫臣之族巫臣在晉請使於吳吳子而教之壽夢說之乃通吳于晉使其子為吳行人

射御導之伐楚至于今為患則申公巫臣之為也今

椒舉娶於子牟子牟得罪而亡執政弗是執政謂椒

舉曰女實遣之彼懼而奔鄭緬然引領南望緬猶邈

也曰庶幾赦吾罪又不圖也乃遂奔晉晉人又用之



矣彼若謀楚其亦必有豐敗也哉

豐猶大也

子木愀然愁

貌

曰夫子何如召之其來乎對曰亡人得生又何不

來爲子木曰不來則若之何對曰夫子不居矣

不居言當

奉命於他國

春秋相事以還軫於諸侯

軫車後橫木言四時相聘問之事迴

諸侯若資東陽之盜使殺之其可乎

資賂也東陽楚北邑不然

不來矣子木曰不可我爲楚卿而賂盜以賊一夫於

晉非義也子爲我召之吾倍其室

倍其室益其家也

乃使椒

鳴召其父而復之

靈王爲章華之臺

靈王楚恭王之庶子靈王熊虔也章華地名吳語曰乃築臺於章華

上與伍舉升焉曰臺美夫

伍舉椒舉也椒邑也

對曰臣聞國君

服寵以爲美

服寵謂以賢受寵服以是爲美

安民以爲樂

以能安民爲樂聽

德以爲聰聽用有德也致遠以爲明能致遠人也不聞其以土

木之崇高彫鏤爲美彫謂丹楹鏤謂刻桷而以金石匏竹之昌

大嘽庶爲樂金鐘也石磬也匏笙也竹簫也不聞其以

觀大視侈淫色以爲明而以察清濁爲聰察審也清濁宮羽也

先君莊王爲匏居之臺匏居臺名高不過望國氛氣祲也大

不過容宴豆言宴有折俎豆之陳木不妨守備不妨城郭守備之材用

不煩官府材用不出府藏民不廢時務官不易朝常問誰宴

焉則宋公鄭伯言二國朝事楚問誰相禮則華元駟騂相相導也

華元宋卿華卿之子右師元也騂鄭穆公之子子騂也問誰贊事則陳侯蔡侯

許男頓子贊佐也其大夫侍之各侍其君先君以是除亂克

敵而無惡於諸侯今君爲此臺也國民罷焉財用盡

馬年穀敗焉

敗廢民之時務

百官煩焉

為之徵發

舉國留之

留治之也

數年乃成願得諸侯與始升焉諸侯皆距無有至者

而後使太宰啓彊請於魯侯

啓彊楚卿遠魯侯昭懼公也事在昭七年

之以蜀之役

蜀魯地魯宣公使求好於楚楚莊王卒宣公薨不克作好成公即位受盟於晉

楚子怒使公子嬰齊帥師侵魯至蜀魯人懼之使孟孫賂楚以請盟在成二年而僅得以來

僅猶劣也使富都那豎贊焉富富於容貌都閑也那美也豎未冠者也言取美好不尚

德而使長鬣之士相焉長鬣美髮髯也臣不知其美也夫美

也者上下內外小大遠近皆無害焉故曰美若於目

觀則美

於目則美於德則不美

縮於財用則賈

縮言取也是聚民利

以自封而瘠民也胡美之焉

封厚也胡何也何以爲美

夫君國者

將民之與處民實瘠矣君安得肥

安得獨肥言將有患

且夫私

欲弘侈則德義鮮少德義不行則邇者騷離而遠者

距違

騷愁也離叛也邇境內遠鄰國

天子之貴也唯其以公侯爲官

正也

正長也

而以伯子男爲師旅

帥師旅也

其有美名也唯

其施令德於遠近而小大安之也若斂民利以成其

私欲使民蒿焉忘其安樂而有遠心

蒿耗也遠心叛離也

其爲

惡也甚矣安用目觀故先王之爲臺榭也

積土爲臺無室曰榭

榭不過講軍實

講習也軍實戎事也

臺不過望氛祥

凶氣爲氣吉氣爲祥

故榭度於大卒之居

大卒王士卒也度謂足以臨見也

臺度於臨觀

之高

足以臨下觀上明使屋榭不蔽目明而已

其所不奪穡地

稼穡之地

其爲

不匱財用

爲作也

其事不煩官業

業事也

其日不廢時務

以農隙也瘠磽之地於是乎爲之

不害穀土也磽确也

城守之木於

是乎用之

城守之餘

官僚之暇於是乎臨之

暇開也四

時之隙於是乎成之

隙空闕也

故周詩曰經始靈臺

謂經

經度之立其基址也天子曰靈臺

經之營之庶民攻之不日成之

治

也不日不程課以期日

經始勿亟庶民子來

亟疾也子來如子為父母

王在

靈囿麀鹿攸伏

囿域也麀鹿攸所也視夫為榭臺

將以教民利也

知其以匱之也

知聞也若君謂此臺美而為之正以爲

正楚其殆矣

殆危也

靈王城陳蔡不羹

三國楚別都也魯昭八年楚滅陳使穿封成為陳公十一年滅蔡使

公子棄疾為蔡公今潁川定陵西北有不羹亭襄城西北有不羹城

使僕夫子皙問於

范無宇

子皙楚大夫芊尹申無宇也

曰吾不服諸夏

而獨事晉何也

不服也

唯晉近我遠也今吾城三國

賦皆千乘亦當晉矣

禮地方十里為成出長轂一乘馬四匹牛十二頭步卒七十二

人甲士三人三國各千乘其地三千成

又加之以楚諸侯其來乎對曰

其在志也國為大城未有利者

志記也言在書籍所記國作大城未有利

也昔鄭有京櫟

京莊公弟叔段之邑櫟鄭子元之邑魯桓十五年鄭厲公因櫟人殺檀伯

遂居櫟檀伯子元也

衛有蒲戚

蒲甯殖之邑戚孫林父之邑

宋有蕭蒙

子鮑之邑

魯有弁費

弁費季氏之邑

齊有渠丘

渠丘齊大夫雍廩之邑

晉有

曲沃

曲沃欒盈之邑

秦有微衙

微衙桓公之子景公之弟公子鍼之邑

叔段以

京患莊公鄭幾不克

叔段圖纂莊公不克出奔在魯隱元年

櫟人寔使

鄭子不得其位

魯莊十四年厲公自櫟侵鄭獲大夫傅瑕與之盟而赦之使殺鄭子而納

厲公鄭子莊公子子儀也

衛蒲戚寔出獻公

寔殖孫林父逐衛獻公獻公奔齊在魯襄

十四年 宋蕭蒙寔弒昭公昭公兄鮑弒昭公而魯奔費

寔弱襄公襄公十一年季武子卑公室作三軍齊渠

丘寔殺無知魯莊八年無知弒襄公晉曲沃寔納齊

師樂盈奔齊齊莊公納之盈以曲沃之秦徵衙寔難

桓景甲書入為賊於絳在魯襄二十三年皆志於諸

侯此其不利者也皆見記錄且夫制城邑若體性焉

有首領股肱至于手拇毛脉手大指也大能掉小故

變而不勤掉作也變動也地有高下天有晦明民有君

臣國有都鄙古之制也先王懼其不帥帥循也故制之

以義施之以服行之以禮謂名位不同辯之以名名號

也書之以文書其名位及所掌主道之以言既其失也易物之

由易物易其尊卑服物之宜夫邊境者國之尾也辟之如牛馬處

暑之既至處暑在七月節處止也蚩蚩之既多而不能掉其尾

臣亦懼之大曰蚩小曰蠶不能掉尾益重也以言三國亦將然也不然是三城

也豈不使諸侯之心惕惕焉惕惕懼也子皙復命王曰是

知天咫安知民則咫言少也此言少知天道耳何知治民之法是言誕也

誕虛也右尹子革侍子革楚大夫故鄭國大夫子然之子然丹也曰民天之

生也知天必知民矣是其言可以懼哉三年陳蔡及

不羹人納棄疾而弑靈王城後三年也在魯昭十三年棄疾恭王之子靈王之

弟平王也靈王無道弃疾入國為亂三軍叛之於乾谿王自殺言弑者王之死由三國也

左史倚相廷見申公子亶倚相楚左史也子亶楚申公史老也廷見見於廷也

子亶不出左史謗之舉伯以告舉伯楚大夫也子亶怒而出



曰女無亦謂我老耄而舍我而又謗我八十曰耄舍棄也左

史倚相曰唯子老耄故欲見以交傲子交夾也若子方

壯能經營百事倚相將奔走承序承受事業次序於是不給

而何暇得見給供也昔衛武公年數九十有五矣武公衛侯

公之子共伯之弟武公和也猶箴傲於國箴刺也傲戒也曰自卿以下至

于師長士師長大夫士衆士苟在朝者無謂我老耄而舍我

舍謂不諫誠必恭恪於朝朝夕以交戒我聞一二之言必

誦志而納之以訓導我言謗譽之言也志記也在輿有旅賁之

規規規諫也旅賁勇力之士掌執戈盾夾車而趨車止則持輪位宁有官師之典

中庭之左右謂之位門屏之間謂之宁師長也典常也倚几有誦訓之諫誦訓工師

所誦之諫書之於几也居寢有褻御之箴褻近也臨事有瞽史之

之於几也

導

事戎祀也。警樂太師掌詔。吉凶史太史也。掌詔禮事。宴居有師工之誦。師樂也。

王警矇也。誦謂箴諫時世也。

史不失書。矇不失誦。以訓御之。御進也。

於是乎作懿戒以自儆也。

三君云。懿。戒書也。昭謂懿。詩大雅抑之篇也。懿讀之。

曰抑。毛詩序曰。抑。衛武公刺厲王亦以自儆也。

及其沒也。謂之睿聖武公。睿明也。

也。書曰。睿作聖。諡法曰。威彊睿德曰武。

子實不睿聖。於倚相何害也。害。傷也。

周書曰。文王至于日中。吳不皇暇食。

日。映曰。吳。易曰。日中則吳。惠

于小民。唯政之恭。文王猶不敢驕。今子老楚國而欲

自安也。

老。老恃楚國。

以禦數戒者。王將何為。

禦。止也。數者謂箴戒誹謗。

也。為人臣而尙如此。王將復何為也。

若常如此。楚其難哉。

子亶曰。老

之過也。

老。子亶名。

乃驟見左史。

靈王虐白公子張。驟諫。

子張。楚大夫。白公也。

王患之。謂史老曰。

吾欲已子張之諫若何史老子齋已止也對曰用之寔難已

之易矣若諫君則曰余左執鬼中右執殤宮禮記曰中身也

其中退然天死曰殤殤宮殤之居也執謂把其錄籍制服其身知其居處若今世云能使殤矣凡百

箴諫吾盡聞之矣寧聞他言不欲聞白公又諫王如

史老之言對曰昔殷武丁能聳其德至于神明武丁高宗

也聳敬也至通也通于神明謂夢見傳說以入于河遷於河內自河徂亳從河內往

亳都於是乎三年默以思道默諒闇也思道思君入之道也書曰高宗諒闇三年

不言言卿士患之患其不言曰王言以出令也若不言是

無所稟令也稟受也武丁於是作書作書解卿士也賈唐云書說命也昭

曰非也其時未得傳說曰以余正四方余恐德之不類茲故不

言類善也如是而又使以象夢旁求四方之賢思賢而夢

茲此也

見之識其容狀故得傳說以來升以為公公上公也書序曰高

宗夢得說使百工營求諸野得之傳巖作說命而使朝夕規諫曰若金用女

作礪使磨礪也若津水用女作舟喻遭津水若天旱用女作霖

雨天旱自比苗稼也雨三日已上為霖啓乃心沃朕心啓開也以賢者之心比霖雨也

若藥不瞑眩厥疾不瘳以藥喻忠言也瞑眩頓替攻已之急也瘳愈也若跣

不視地厥足用傷以失道比徒跣而不視地必傷也若武丁之神明

也通於神明其聖之睿廣也其智之不疾也猶自謂未又

也又治故三年默以思道既得道猶不敢專制使以象

旁求聖人既得以為輔又恐其荒失遺忘故使朝夕

規誨箴諫曰必交修余無余棄也今君或者未及武

丁而惡規諫者不亦難乎難以保國齊桓晉文皆非嗣也



今象出徽外其三獸則荆交有焉  
巴浦地名或曰巴巴郡浦合浦  
遂趨而退歸杜門

不出七月乃有乾谿之亂靈王死之乾谿楚之東地

司馬子期欲以妾爲內子子期楚平王之子子西之弟公子結也爲大司馬卿

之嫡妻曰內子訪之左史倚相曰吾有妾而愿欲笄之其可

乎愿怒也笄內子首飾衡笄也對曰昔先大夫子囊違王之命諡

違厲以子夕嗜芟子木有羊饋而無芟薦子木違父命以羊饋爲恭

易芟君子曰違而道違命合道穀陽豎愛子反之勞也而

獻飲焉以斃於郢穀陽豎子反之內豎也斃踣也魯成十六年晉楚戰於郢楚恭王傷

目明日將復戰王召子反穀陽豎獻飲於子反芋尹

醉不能見王曰天敗楚也乃宵遁子反自殺芋尹

申亥從靈王之欲以隕於乾谿芋尹申亥申無宇之

吾父再干王命王不誅惠孰大焉乃求王君子曰從

過諸棘圍以歸王縊申亥以二女殉葬之

而逆

從從其欲

君子之行欲其道也

欲得其道

故進退周旋唯

道是從夫子未能違若敖之欲

若敖子夕

以之道而去芟

薦吾子經營楚國

經經緯也

而欲薦芟以干之

干犯也言以妾爲妻

猶以芟當祭

其可乎子期乃止

### 國語卷第十七